

Bärnhard Apéro

Text und Musik
Jacob Stüchelberger

Strophen 1-3

Gschsch uf-re Fo-ti d'Chap-pel-brügg de weisch so-fort Lu-zärn und isch dr Bäre-gra-be druf rüeft je-des Chind dasch Bärn z'Schaff-hu-sen isch dr Mu-not und in Ba-sel geisch i Zoo dsSym-bol vo Zü-ri a-ber isch dr Bärn-hard A-pé-ro

letzte Strophe

S'git neu-i Gsich-ter neu-i Chöpf und neu-i Tisch und Stüel frü-sche Wind blast dür dä Saal doch dä isch zim-lech chüel so Züg wie hüt am A-be da das fählt üs all-wäh scho tschou lie-be Hans mir dan-ke dir tschou Bärn-hard A-pé-ro so Züg wie hüt am A-be da das fählt üs all-wäh scho tschou lie-be Hans mir dan-ke dir tschou Bärn-hard A-pé-ro

- Gschsch uf're Foti d'Chappelbrügg de weisch sofort: Luzärn und isch dr Bäregrabe druf rüeft jedes Chind: dasch Bärn z'Schaffhusen isch dr Munot und in Basel geisch i Zoo ds Symbol vo Züri aber isch dr Bärnhard Apéro
 - Wär öppis uf sech git dä isch am Donschtigabe bsetzt kes Wunder das am füü alls i Richtig Bellevue hetzt vom Züribärg vo Herrtibärg vo Chilchbärg oder so - denn s'macht sech guet we me sech trifft am Bärnhard Apéro
 - Oh gähds doch zue dir gniessets wen am Donschtig jedesmal es Prominäntelüftli wäit dür dä Theatersaal me grüesst sech und me duzt sech und me fyrt sech und isch froh wen eim dr Gmür bim Name kennt am Bärnhard Apéro
 - Ja wo mym Grosi byspilswys: sys letschte Stündli schlaht da sy mer alli bynem und dr Pfarer isch parat da plötzlech gumpets usem Bett und seklet üs dervo - he ja s'isch Donschtig äs wott dank a Bärnhard Apéro
 - De hani mal vier chlyne Buebe zueglost - eis Geblöff wen i mal gross bi, seit dr erscht de chouf i mir e Töff dr zwöit dä wott es Sägelschiff dr dritt es Rennvelo und i ga halt, plagiert dr Chlinscht a Bärnhard Apéro
 - Und lue das Bébé da heisst Bärnhard - wüset dir warum? am letschte Donschtig chunt e schwangri Frou und lacht sech chrum scho isch's passiert - si isch da im Theater nidercho - alls wäg däm fule Witz vom Gmür am Bärnhard Apéro
 - Und nachär geisch de zfride hei doch z'Nacht was fähit dir ächt? da wirts der zersch chli gschmuech und zletscht hundsärdeneländschlächt - reg di nid uf du weisch es ja das isch doch geng eso dasch vo däm Gsöff was albe git am Bärnhard Apéro
 - Am Donschtig druf bisch wider gsund und alles isch zur Stell: Max Rüeger, Peter Jacques und Ueli Beck und Gmür und Schnell doch öppis mues me wüsse: mir si alli ds letscht mal cho zum allerletschte Uftritt hie zum letschten Apéro
 - S' git neu-i Gsichter neu-i Chöpf und neu-i Tisch und Stüel e früsche Wind blast dür dä Saal doch dä isch zimlech chüel so Züg wie hüt am Abe da das fählt üs allwäh scho tschou liebe Hans mir danke dir tschou Bärnhard Apéro
- so Züg wie hüt am Abe hie das fählt üs allwäh scho tschou liebe Hans mir danke dir tschou Bärnhard Apéro

(Geschrieben für und vorgetragen am Bernhard-Apéro-Schlussfest vom 7./8. Juli 2000).